

**170.**

Na osnovu člana 12. stav (1) Okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje Bosne i Hercegovine („Službeni glasnik BiH”, broj 43/09), Ministar obrazovanja, nauke, kulture i sporta Zeničko-dobojskog kantona donosi

**P R A V I L N I K**  
**O MINIMALNIM UVJETIMA ZA OBAVLJANJE**  
**NAUČNOISTRAŽIVAČKE DJELATNOSTI**  
**I OBAVLJANJE NAUČNOISTRAŽIVAČKIM**  
**RADOM**

**Član 1.**  
**(Predmet)**

Ovim pravilnikom se utvrđuju minimalni uvjeti za obavljanje naučnoistraživačke djelatnosti i bavljenje naučnoistraživačkim radom (u daljem tekstu naučna djelatnost).

**Član 2.**  
**(Postupak upisa u Registar)**

- (1) Ministarstva za obrazovanje, nauku, kulturu i sport Zeničko-dobojskog kantona provodi postupak upisa u odgovarajuće registre naučnoistraživačkih organizacija.
- (2) Uz zahtijev za upis u registar dostavlja se sljedeće:
- a) akt o osnivanju,
  - b) elaborat o opravdanosti obavljanja naučne djelatnosti u skladu sa članom 3. ovog uputstva,
  - c) dokaze o odgovarajućem prostoru i opremi u skladu sa članom 4. ovog uputstva,
  - d) dokaze o osiguranom potrebnom broju naučnih radnika u skladu sa članom 5. ovog uputstva.

**Član 3.**  
**(Elaborat o opravdanosti)**

Elaborat o opravdanosti obavljanja naučne djelatnosti sadrži:

- a) strateške ciljeve naučne organizacije,
- b) strateški program naučnih istraživanja,
- c) analizu naučnog potencijala naučne organizacije i njenog položaja u naučnom i poslovnom okruženju,

- d) plan organizacijskog razvoja naučne organizacije i
- e) izvori finansiranja i finansijski plan.

**Član 4.**

**(Dokaz o odgovarajućem prostoru i opremi)**

Dokazi o odgovarajućem prostoru i opremi sadrže:

- a) vjerodostojne isprave o vlasništvu, pravu korištenja, zakupu i drugoj valjanoj pravnoj osnovi na temelju kojeg se koristi prostor i oprema za obavljanje naučne djelatnosti u određenoj naučnoj oblasti,
- b) podatke o mogućnostima raspolaganja naučnom literaturom (biblioteka, pojedinačna pretplata na naučne časopise i knjige, dostupnost naučne literature putem interneta),
- c) podatke o ispunjenju općih uvjeta zaštite na radu, zaštite životne sredine i sanitarno - tehničkih kriterija shodno zakonskim regulativama za svaki pojedini tip naučne organizacije.

**Član 5.**

**(Dokaz o osiguranom potrebnom broju naučnih radnika)**

Dokazi o osiguranom potrebnom broju naučnih radnika sadrže:

- a) ugovore o radu naučnih radnika sa naučnom organizacijom ili iskaze namjere o zasnivanju radnog odnosa sa naučnom organizacijom,
- b) biografije i bibliografije naučnih radnika.

**Član 6.**

**(Stupanje na snagu)**

Ovaj pravilnik stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:10-02-2964/18

Datum, 04.05. 2018. godine

Zenica

**MINISTAR**

**Mensur Sinanović, s.r.**

.....